

山山振臂歌红曲 水水含情吟颂诗



与航天员天地通话

空地联通弹指间,声声问候动心弦。
牛郎织女争连线,欲助乡亲去问天。
(市区 周加祥)

辛丑七夕

桥架银河凭鹊功,牛郎织女得相逢。
莫言传说虽虚幻,希望都藏想象中。
(市区 虞克有)

鹧鸪天 诗友松坑口雅聚感怀

曲涧清流十八弯,廊桥幽径翠峰环。松声
悦耳莺声脆,花影临窗蝶影翩。
人好客,酒随缘。烟村云树总留连。远离
尘俗常知足,不羨虚荣天地宽。
(市区 傅祖民)

金竹山茶油

累累油茶艳满坡,农民见景笑呵呵。
原生原味健康品,传统经营受益多。
(遂昌 蓝贤寿)

念奴娇 瓯江恋

临窗眺远,见青松挺立,悬岩如漆。云影
轻移悠照镜,翠染寒江犹碧。下驻鱼虾,上浮
鼉鼈,渔火随波溢。鸬鹚蹲守,骤然潜底偷袭。
常见水手背滩,赤身裸臂,呼借风帆力。竹
木长排头尾接,月下听涛安席。夏去冬来,年年
月月,贸易城乡域。大江东去,伤痕留刻崖壁。
(西班牙 詹强)

南明山弹琴观瀑

水落奏清声,竹摇秀倩形。
琴弦弹指响,万壑俱和鸣。
(缙云 吕丰平)

莲语

淡绿轻妆自水中,乐和夕照映池红。
谐音若使官心正,无悔冰霜毁我容。
(景宁 陈华敏)

念奴娇 披云山怀古

古江源首,路蜿蜒,山海云天林密。剑邑
西乡,坊间说,洪武元璋胜迹。怪石嶙峋,棺材
横列,卷起残云急。山城佳地,往来游客如织。
遥想重八其时,伯温神算巧,兵平残逆。指
点江山,三载内,强敌归降平息。轻敌来游,元军
应有悔,雾中玄术。斯人何处?只知年月朝夕。
(龙泉 吴炜)

建党百年换乾坤

南湖一大竖旌旗,万里神州穷困移。
星火燎原留伟绩,革新开放树宏碑。
山山振臂歌红曲,水水含情吟颂诗。
地覆天翻今胜昔,嫦娥五号绕回奇。
(松阳 李德贵)

咏千峡湖

昔日北山偏僻远,滩坑荡绿满湖春。
万峰千壑波光里,旧梦恬情总念寻。
(青田 吴岳坚)

百年党庆

雄鸡一唱日东升,辟地开天四海澄。
腐恶驱除仓腐灭,人民站立主人兴。
官无特许堪平视,庶有公言可并征。
赤县河山披俊彩,和平共处满高朋。
(景宁 蓝明法)

贺神舟十二号载人飞船发射成功

琼楼箕斗照神舟,宇宙周巡壮志酬。
浩月新巢拥玉兔,太空长轨越龙旒。
千年织女牛郎别,一瞬鹊桥圆梦猷。
地轴穿梭霄汉外,欣闻强国凯旋讴。
(市区 胡光祥)

鹧鸪天 荧幕小仙都

荧幕仙都小却奇,群仙下榻自成蹊。天开
图画镜头出,地合素材影客痴。
荷摆谱,凤来仪,翩翩舞蹈月娥池。有菓
醉我何须酒,灵气沾襟足忘机。
(缙云 陈葛钦)

党恩颂

南湖画舫开前路,破浪乘风旗展红。
火把高擎驱黑暗,乡村科学脱贫穷。
遥观航母巡疆海,笑指神舟越太空。
不忘初心承使命,创新拼搏气英雄。
(市区 叶莉玲)

三井农家避暑

习习凉风百卉鲜,难寻蚊子看炊烟。
云丝薄被舒心盖,一觉醒来佳梦圆。
(遂昌 许琳)

孟秋游乡野

三番秋雨送清凉,槛外残荷犹吐香。
远眺晴峰松碧翠,径行旷野稻金黄。
涧边衰柳风光退,篱下寒花蓓蕾藏。
一道红霞檐宇落,归迎舞燕剪斜阳。
(市区 项志英)

沁园春 咏百年风华

振兴神州,星辉日月,民富国强。望五湖
四海,同心追梦,旌旗大展,迈向康庄。十二神
舟,太空荡漾,举世无双震八方。雄狮醒,看蛟
龙探海,科技辉煌。
回眸历史沧桑。任血雨腥风不惧航。启
红船举帜,改天换地。乘风破浪,壮志轩昂。
华诞百年,峥嵘岁月,齐力挥毫谱锦章。江山
秀,不忘初心志,万里翱翔。
(市区 金丽红)

茶乡

山峻岭远烟尘,雨后茶香亦鹭新。
最是清泉杯湖绿,品题不外垄中人。
(市区 董筱岑)

古镇晨曦

曙光初照半山腰,云卷云舒格外娇。
雾锁峰峦留史迹,党旗挥舞映廊桥。
(遂昌 钟金钗)

读毛主席诗词感赋

吟来顿觉振精神,玉韵铿锵寰宇珍。
咏雪锦篇增志气,渡江雄律奋胸襟。
九天揽月豪情烈,五岳腾龙壮语钦。
诗岭词河图壮丽,中华史上最强音。
(云和 陈可富)

黄腩牛肝菌

酷暑晴三日,甘霖抵万金。
藤焦雷雨,腐叶蕈香临。
黄腩沙锅煮,馋涎小曲吟。
先贤闲者寿,隐匿旧山林。
(庆元 彭荣根)

七一感怀

雄狮怒吼震苍穹,矗立东方盖世功。
爱我神州惩腐恶,高标本色党旗红。
(景宁 徐玉梅)

过安溪佛儿岩

岭上松涛奏梵音,和风翠竹抚瑶琴。
危峰一缝穿岩腹,峭壁悬空秀石林。
(云和 陈水根)